

豫章叢書

第七冊

山窗餘稿目錄

文

陳氏野逸軒記

行解

書人傑張先生哀辭後

吳氏四友軒記

贈陳君伯柔序

書周氏族譜後

何氏耕樂軒詩叙

太公釣圖序

山齋集卷之五
送涂處士歸宜黃叙

贈李伯禹序

谷春詩序

祭社文

書許聖瑞自製墓誌銘後

艾仲庸文集序

答李振宗書

書饒子進詩集後

贈何孟車序

卜筮集要序

涂子東遊藁序

重修東山寺記

書羅尊聞先生遺藁序

書袁孟充字說後

書梅隱卷後

吳明善先生文藁序

章子漁詩藁序

書松石詩卷後

書彭南溟行卷後

感陸蟠文

蠅蝥說

吳梓材文集序

送馬彥會歸豫章序

趙文昭詩集序

宋無名傳

贈王生序

徐氏茅屋詩序

讀東坡文

書張氏瑞香詩序後

張孟元詩藻序

周氏山堂詩序

書張孟舉字說後

與伯實先生書

畚涂徵士書

與艾季誠書

畚章子漁書

答吳明善先生書

與馬彥會書

與李立卿書

歐氏蔣山草堂記

贈陳氏子序

贈嚴仲敬序

詩

道中

宿山家

晚至陳氏館

曉起

晚出池上

秋懷

春曉

送別

山堂詩爲周伯清賦

贈仲庸艾先生

送趙文昭之沔陽知事

陳氏館書懷

野中別友

登東皋

曉出西園由谷中歸

山窗餘稿

元 餘干 甘復

陳氏野逸軒記

興安陳平仲甫別居瑄谿之上疏泉植四時花木藝
蔬果結茅以怡老列閒軒臨于水竹之裔爲良朋暇
日琴奕觴詠之所扁曰野逸而求記於余余謂逸非
君子所尚也周公嘗以無逸戒成王矣而世自有取
乎逸者豈非以逸之得其時邪夫君子在下而未遇
也厲其氣植其志考經傳而博古今冀以行其義發
其所蘊用時而官於朝也惟職之是勤恐上負於其

君下負於其民而有尸位之譏曠官之責焉君子非
惟不敢以逸且有不暇也及其既老謝事而歸于野
也枕石棲谷玩花草弄雲月無求於己無責于人而
與世外之士相往還澹然乎物之表蓋非有意于逸
而逸將有以自至者其勢然也平仲甫之少也常用
力於文學壯始遊于京師結交四方之賢士其官老
而歸也且遇天下之大亂徜徉乎岩石之間思曩昔
之役其身於外勞其心于內豈不爲逸邪且余聞伯
夷叔齊孔子以逸民稱焉以其遺世而自足也今平
仲甫之樂其志于遊倦之餘其亦有以自足也歟

行解

有語古子者曰子博碩之士也抑知今之與古異乎
古之道不宜於今之俗矣古之有道之士非求世之
知也鄉閭稱之同列推之在勢者援之君之明者辟
之接之以賢良尊之以師傅祿之以鍾廩雖欲抱道
自重而卒不能不顯于世今也儒之爲道日衰廢而
不張靡而不起誕詭之是矜媚巧之是諛以倡以和
合氣戾聲雖使古之君子復生今世將爲所嗤詆折
困以沒爾子以匹夫之賤無援於當途而抗以高志
潔以遐躅闢浮淫黜阿諛混混以趨拓激爲疵目之

者以嘆口之者繼毀子捐一世之不顧而力追於古
吾將見子道益窮而身悴時卒不至而力已屈矣尙
覲有以稱而推之援之辟之者邪子盍玩爾心卷爾
智蜜爾剛言脂爾巖顏以怡以嬉毋剛毋剖委風比
流惟世之隨庶收譽于一時而卜子之遇也甘子曰
子特世俗之士爾非知君子之道者也君子之志欲
以信其道不隨世以高下易其所守不如是亦恒人
爾何足貴哉蓋君子有不求於一世之知將以蘄於
萬世者古之君子有聞於今皆不偶於當世者也子
何遽慊於吾哉子欲吾舍己以從於人邪孔子嘗曰

志士仁人無求生以害仁有殺身以成仁死生之大
猶不以枉其道而子欲以世之聲利之末屈吾志乎
蓋屈志以生有不若直道而死也子自安毋躁從吾
所志而已客慚覲遠巡以退作行解

書人傑張先生哀辭後

古之懷奇弘廓之士自顧之重恒不合於俗且遇時
不足以有爲則將潛身隱耀或託酒蘖以自放肆歌
詩以爲豪混樵漁農牧不以自別也至其老且衰幸
得一施其所學以垂聲於後一世恒不一二人其不
遇以死名遂泯於當世者爲可悲也若人傑張先生

之行義有不愧於古人才足用於今世以世益艱不合于俗故頽然自放酣嬉遠引以嘯以歌而遺其趣有足壯者人以先生年未衰有待以施於用嗚呼死矣名其泯乎不泯乎是亦命也其可哀也

吳氏四友軒記

臨川東出百里多大山長谷羅峯積烟峯皆奇聳峭特二峯之北有山曰斛山勢益廻阻喬林秀壁藏墟帶塢其陽臨江東西所通道連峯青環翠絡奔若突騎磊落貫珠居者面重岡據大麓鷄犬聲不外聞以山背名其地曰斛吳氏自里之黃橘徙居之今百餘

年世以詩書文雅稱于其鄉兵興墟落蕩燬吳氏之
間幸存東距百步許泉石清澗巖谷深衍然藁葬所
交森木所翳虵虺得以遊狐兔得以居積歲以久莫
之翦闢吳氏之秀從魯過強仕之十年謝馳騫退息
闕里始斬蒙棘除奧草池焉圃焉藩焉垣焉翹然者
松之青蔚然者竹之茂芬然者梅之馨以繁無他植
焉吳君日遊三者之間招行雲弄飛雪俯石溜之游
緩駭鳴鳥之上下狂吟浩唱以適其趣不知時歲之
晏霜露之既零矣以吳君之更阨困摧折不置其氣
不墜其名而詭然拔於士類頭悴淪靡之中有若歲

寒而松之不輟其清竹之不輟其茂而梅之不輟其
馨以繁也以其與三者若有合焉故偏其所居東偏
之室曰四友軒屬余爲之記余聞君子取友漸益於
我也彼三者植物無知者也固無取於人而亦無待
於人人則有知者也既取於彼必有慕于彼慕于彼
必漸一于彼睇彼翹然蔚然芬然于眾植脫落摧臠
之際豈不竦然思有以礪其節固其志而離於俗邪
徒羨彼而不求之於我將彼自彼我自我雖取之何
益之有吳君曰吾志也遂書以爲記

贈陳君伯柔序

時平以仕世亂而隱君子行藏之義也然於紛更之際政教既壞強以肆暴弱以肆姦張機列罟以相漁賊廉恥喪而詐暴興自非有志於當世者出以衛民之生則亂將何由寧而刑殺何時而息乎然後知君子時雖當隱而於義又有不容決然者是以陳君伯柔之欲爲時出也能無意乎陳君通今學古有輔世長才知己寡過贊其所蓄今將曠遊名山大澤覽天下之奇勝以疏宕其志氣時方用武海內豪傑有以靖難庇民之事爲己民任則願見之以施其素所嘗學聖賢之術然未敢必於時之有濟也陳君斯行有